

9 April 2010

Memanteras Penularan Senjata Nuklear Dapat Kurangkan Ancaman Keselamatan Global

Oleh Merle David Kellerhals Jr

Penulis Staf

Washington - Perang nuklear antara kuasa besar mungkin tidak akan berlaku ketika ini, tetapi ancaman daripada penularan senjata nuklear dan bahan untuk membina senjata nuklear dan pengganas yang mungkin memperolehi senjata nuklear meningkat, menurut Setiausaha Negara Hillary Rodham Clinton.

"Penularan senjata nuklear merupakan sumber utama yang mengancam keselamatan dunia ketika ini," kata Clinton dalam ucapannya di Universiti Louisville di Kentucky pada 9 April. "Satu serangan nuklear di mana sahaja boleh memusnahkan atas sistem aturan global."

"Keganasan Nuklear membawa cabaran yang berbeza, namun kesannya tetap kemaslahatan," tambah beliau.

Penularan senjata nuklear dan cara untuk membuat bom membahayakan Amerika Syarikat, Rusia, sekutu-sekutunya dan kepentingan global yang lebih luas, katanya. Dan ia boleh membawa kepada persaingan membina senjata di rantau dunia yang sedang menghadapi pergolakan.

"Kerana itu keselamatan nuklear penting bagi kita semua dan mengapa kita nekad untuk menghadapi cabaran ini," Clinton berkata.

Kenyataan Clinton datang sejurus selepas beliau kembali dari Prague, di mana Presiden Obama dan Presiden Russia Dmitry Medvedev menandatangani Perjanjian START baru, yang akan mengurangkan peluru nuklear kedua-dua negara kepada masing-masing 1,550 dan juga mengurangkan pelancar dan kenderaan untuk mengangkut senjata-senjata ini. Ini adalah pengurangan mendadak senjata nuklear oleh dua bekas seteru Perang Dingin sejak tahun 1950-an, dekad penuh pertama zaman nuklear.

Dua hari sebelum perjanjian ditandatangani, pentadbiran Obama memperkenalkan pendekatan baru nuklear, yang menggariskan cara Amerika Syarikat menggunakan senjata nuklear dan dalam keadaan apa senjata ini boleh digunakan. Pada 12-13 April, para pemimpin dan delegasi dari 50 negara dan organisasi antarabangsa akan datang ke Washington untuk sidang kemuncak keselamatan nuklear yang dicadangkan oleh presiden dalam usaha untuk lebih membanteras penularan senjata nuklear dan untuk melindungi senjata dan komponen nuklear daripada jatuh ke tangan pengganas.

"Keperluan mendesak sekarang adalah memperkuatkan rangka kerja, penguatkuasaan dan mekanisme pengesahan bagi mengawal penularan nuklear di dunia. Perjanjian START baru yang ditandatangani pada 8 April oleh Presiden Obama dan Presiden Medvedev di Prague, membantu kita menuju ke arah tujuan itu," kata Clinton.

Clinton mengakui bahawa Amerika Syarikat dan Rusia ketika ini memiliki 90 peratus daripada senjata nuklear di dunia tetapi berkata perjanjian baru ini akan memastikan jumlah senjata nuklear strategik oleh kedua-dua negara dihadkan dan dikurangkan.

Perjanjian baru ini juga sangat penting, menurut Clinton, dalam memperluaskan kerjasama yang lebih konstruktif dengan Rusia. Kedua-dua negara bekerja dengan Britain, China, Perancis dan Jerman untuk meyakinkan Iran agar membatalkan program pembangunan senjata nuclear. Amerika Syarikat dan Russia, bersama-sama dengan Korea Selatan, Jepun dan China, juga berusaha meyakinkan Korea Utara agar membatalkan program pembangunan nuklearnya dan menghapuskan senjata nuklear di Semenanjung Korea.

Kesediaan Amerika Syarikat dan Rusia mematuhi Perjanjian START baru, yang menggantikan Perjanjian Pengurangan Senjata Strategik 1991, dan Perjanjian Pengawalan Penularan Nuklear 1970, boleh menjadi contoh kepada negara-negara lain untuk ikut sama, Clinton berkata.

"Ini meningkatkan kredibiliti kita ketika kita meminta negara-negara lain untuk membantu memperkuuhkan rejim pengawalan penularan nuklear," kata Clinton.